



Sabtu, 12 Agustus 2023

Ogen: 1 Timotius 4:11-16



“Ajarkanlah Anak Singuda”



Jaman milenial enda, ikataken jaman anak muda si kegeluhenna i kuasai teknologi. Sekolah pe ia make alat teknologi, berkomunikasi pe make alat teknologi, ndarami teman pe make alat teknologi; ertina hampir kerina si ilakoken anak-anak jaman gundari enda make alat teknologi. Penomena enda lanai terbatas ras terkendaliken erkiteken kecanggihen jaman; kerina serba make alat teknologi. Si enda enggo jadi kebutuhen, sabap si la ngikuti perkembangan jaman uga pe ketadingen jaman.

'Ajarkenlah anak singuda', tema si banci jadi perenungen man banta orangtua, sabap seh kal perluna pengajaren si arus i peseh man anak-anak milenial si geluhna hampir 80% tergantung ku bas kecanggihen teknologi jaman enda. Adi la lit pengajaren rikut ras pendampingen orangtua, banci saja anak-anakta reh dahuhna hubungena ras kitab age pe ras Tuhan; nggo riahen akapna nonton youtube, er-tiktok entah pe erbahan status bas Ig ras twitter. Surat Timotius mulihi mpersingeti kita mabai anak-anakta gelah banci jadi contoh, usihen, teladan subuk i bas erkiniteken, pengerana, perbahanen bage pe pergaulen. Timotius ningenken kita gelah makeken teptep kesempatan alu mehuli. Iajarken anak-anakta gelah ula i sia-siaken waktu si ibereken Dibata. Sehkennalah kekelengen saph saph ia anak singuda gelah arah si e idah kalak keleng ate ras kuasa Dibata i tengah-tengah kegeluhenna.

Pengajaren bage pe pendampingen orangtua seh kel perluna gelah anak-anakta ndatken pengajaren si mehuli, terkhusus kel kerna pengajaren erkiniteken. Pengajaren dan pendampingen orangtua arus icidahken alu payo dengen benar. Latih pe siakap mulih erdahin e; pengajaren ras pendampingen perlu tetap si sehken; latih pe siakap erdahin lako ncukupi keperluan keluarga; pengajaren ras pendampingen perlu tetap idalanken. Selamat mereken pengajaren ras pendampingen man anak-anakta.

"Sehkenlah pengajaren ras dampingilah anak singuda"